

- R. Qui fecit cœlum et terram.  
 V. Sit nomen Domini benedictum.  
 R. Ex hoc nunc, et usque in sæculum.  
 V. Domine, exaudi orationem meam.  
 R. Et clamor meus ad te veniat.  
 V. Dominus vobiscum. R. Et cum spiritu tuo.

## OREMUS.

Creator omnium Deus, qui semina subtus terram posita fructificare, et multiplicare facis, et in usus nostros misericorditer concedis: intercedente Beato Egidio Abate, et Confessore tuo supplicationes nostras placatus admitte, et scenicum istud, tua clementia bene dicere, et sancti ficare digneris: ut quodcumque animal ex eo comederit, vel gustaverit, à quacumque infirmitate, meritis et intercessione ejusdem Beati Egidii, plenam recipiat curationem, et perfectam sanitatem; et nos famulos tuos ab omni animæ et corporis ægritudine sanare, et sanos conservare digneris. Per Dominum nostrum Jesum-Christum, etc.

R. Amen.

Benedictio Dei omnipotentis Pa~~x~~tris, et Filii, et Spiritus Sancti descendat, et maneat super nos, et scenicum istud. Amen.

Aspergatur aqua benedicta.

## BENEDICTIO ROSARUM SANCTÆ RITÆ.

(Ex Ceremon. seu Rit. Ord. S. P. Augustini.)

- V. Adjutorium nostrum in nomine Domini.  
 R. Qui fecit cœlum et terram.

- V. Domine, exaudi orationem meam.  
 R. Et clamor meus ad te veniat.  
 V. Dominus vobiscum. R. Et cum spiritu tuo.

## OREMUS.

Trementes, et supplices te, Domine, deprecamur per magnam misericordiam et pietatem tuam, per amorem omnium Sanctorum tuorum, præsertim per amorem et sanctitatem Ritæ; ut bene dicere et sanctificare digneris rosas istas, ut sint remedium salutare generi humano: et præsta per invocationem tui sanctissimi Nominis et B. Ritæ, ut quicunque ex eis sumperit, aut gustaverit, corporis sanitatem, et animæ tutelam suscipiat. Per Christum, etc.

Aspergantur aqua benedicta.

## TITULUS IV.

## DE BENEDICTIONIBUS ESCULENTORUM ET POCULENTORUM.

*Quæ continentur in hoc quarto titulo fieri possunt à quocumque simplici Sacerdote.*

## BENEDICTIO AGNI PASCHALIS.

(Ex Miss. et Rit. Rom. Vicen. et aliis, et Col. P. Sannig).

- V. Adjutorium nostrum in nomine Domini.  
 R. Qui fecit cœlum et terram.  
 V. Domine, exaudi orationem meam.

- R. Et clamor meus ad te veniat.  
V. Dominus vobiscum. R. Et cum spiritu tuo.

## OREMUS.

Deus, qui per famulum tuum Moysen, in liberatione populi tui de Aegypto, agnum occidi jussisti in similitudinem Domini nostri Jesu-Christi, et utrosque postes domorum de sanguine ejusdem agni perungi præcepisti : tu bene ✕ dicere et sanctificare digneris hanc creaturam carnis, quam nos famuli tui ad laudem tuam sumere desideramus, per resurrectionem ejusdem Domini nostri Jesu-Christi, qui tecum vivit et regnat in sæcula sæculorum. R. Amén.

*Et mox aspergat aqua benedicta.*

## BENEDICTIO OVORUM.

(Ex Miss. et Rit. Rom. Vicen. et aliis, et Col. P. Sannig.).

- V. Adjutorium nostrum in nomine Domini.  
R. Qui fecit cœlum et terram.  
V. Domine, exaudi orationem meam.  
R. Et clamor meus ad te veniat.  
V. Dominus vobiscum. R. Et cum spiritu tuo.

## OREMUS.

Subveniat, quæsumus Domine, tuæ bene ✕ dictio-  
nis gratia huic ovorum creaturæ : ut cibus salubris fiat  
fidelibus tuis, in tuarum gratiarum actione sumentibus,  
ob resurrectionem Domini nostri Jesu-Christi, qui te-  
cum vivit et regnat in sæcula sæculorum. R. Amen.

*Et aspergat aqua benedicta.*

## BENEDICTIO CASEORUM ET OVORUM.

(Ex Rituali Vicensi ord. ab Illmo. Episcopo D. de Tocco).

- V. Adjutorium nostrum in nomine Domini.  
R. Qui fecit cœlum et terram.  
V. Domine, exaudi orationem meam.  
R. Et clamor meus ad te veniat.  
V. Dominus vobiscum.  
R. Et cum spiritu tuo.

## OREMUS.

Deus creator et conservator generis humani, dator  
gratiæ spiritualis, largitor æternæ salutis : Domine ef-  
fundere bene ✕ dictioñem tuam super caseos et ova, ut  
armata cœlesti defensione, quicumque ex eis gustave-  
rint, sibi proficere sentiant ad salutem. Per Dominum  
nostrum, etc. R. Amen.

*Aspergantur aqua benedicta.*

## BENEDICTIO CARNIUM.

(Ex Rit. FF. Ord. B. V. M. de Mont. Carm.).

- V. Adjutorium nostrum in nomine Domini.  
R. Qui fecit cœlum et terram.  
V. Domine, exaudi orationem meam.  
R. Et clamor meus ad te veniat.  
V. Dominus vobiscum.  
R. Et cum spiritu tuo.

## OREMUS.

Dignare, Domine Deus, bene ✕ dicere et sanctificare

has carnes ; ut quicumque de eis comederint, tuæ cœlestis gratiæ repleantur bonis. Per Christum Dominum nostrum. R. Amen.

*Aspergantur aqua benedicta.*

BENEDICTIO LACTICINIORUM.

(Ex Col. P. Sannig.).

- ✓. Adjutorium nostrum in nomine Domini.
- R. Qui fecit cœlum et terram.
- ✓. Domine, exaudi orationem meam.
- R. Et clamor meus ad te veniat.
- ✓. Dominus vobiscum.
- R. Et cum spiritu tuo.

OREMUS.

Dignare, Domine sancte, Pater omnipotens, aeternæ Deus, bene ✕ dicere et sancti ✕ dicare hanc creaturam butyri, casei, lactis, etc., quæ ex adipe animalium educere dignatus es, ut quicumque ex populis tuis fidelibus ex ea comederint, vel gustaverint, omni bene ✕ dictione cœlesti, et gratia saturati repleantur in bonis. Per Dominum nostrum, etc. R. Amen.

Et benedictio Dei omnipotentis Pa ✕ tris, et Filii et Spiritus Sancti descendat super hanc creaturam N. et N., et per virtutem sanctæ Cru ✕ cis, et mortis Jesu Christi Domini nostri, fugiat ab eis omnis infestatio Satanæ, et omne phantasma evanescat. In nomine Patris, et Filii, et Spiritus Sancti. Amen.

*Aspergantur aqua benedicta.*

BENEDICTIO LACTIS ET MELLIS.

(Ex Col. P. Sannig.).

- ✓. Adjutorium nostrum in nomine Domini.
- R. Qui fecit cœlum et terram.
- ✓. Domine, exaudi orationem meam.
- R. Et clamor meus ad te veniat.
- ✓. Dominus vobiscum.
- R. Et cum spiritu tuo.

OREMUS.

Bene ✕ dic, Domine, has creaturas lactis et mellis, et pota famulos tuos fonte perenni, qui es Spiritus veritatis, et enutri eos de hoc melle et lacte. Tu enim, Domine, promisisti Patribus nostris, Abraham, Isaac, et Jacob dicens : Introducam vos in terram promissionis, terram fluentem lac et mel. Coniunge, Domine, nos famulos tuos spiritu charitatis, et pacis, sicut conjunctum est lac et mel, in Christum Dominum nostrum : Qui tecum, etc.

*Aspergatur aqua benedicta.*

BENEDICTIO OLEI SIMPLICIS.

(Ex Rit. Rom. Vicen. et aliis, et Col. P. Sannig.).

- ✓. Adjutorium nostrum in nomine Domini.
- R. Qui fecit cœlum et terram.
- ✓. Domine, exaudi orationem meam.
- R. Et clamor meus ad te veniat.
- ✓. Dominus vobiscum.
- R. Et cum spiritu tuo.

*Exorcismus.*

Exorcizo te , creatura olei , per Deum Patrem ☧ omnipotentem , qui fecit cœlum et terram , mare , et omnia quæ in eis sunt . Omnis virtus adversarii , omnis exercitus diaboli , et omnis incursum , omne phantasma Saṭanæ eradicare et effugare ab hac creatura olei , ut fiat omnibus , qui eo usuri sunt , salus mentis et corporis , in nomine Dei Patris ☧ omnipotentis , et Jesu-Christi ☧ Filii ejus Domini nostri , et Spiritus Sancti ☧ Paracliti , et in charitate ejusdem Domini nostri Jesu-Christi , qui venturus est judicare vivos et mortuos , et sæculum per ignem . *R. Amen.*

- V. Domine , exaudi orationem meam.*
- R. Et clamor meus ad te veniat.*
- V. Dominus vobiscum. R. Et cum spiritu tuo.*

*OREMUS.*

Domine Deus omnipotens , cui adstat exercitus Angelorum cum tremore , quorum servitium spirituale cognoscitur , dignare respice , bene ☧ dicere , et sancti ☧ ficare hanc creaturam olei , quam ex olivarum succo eduxisti , et ex eo infirmos inungi mandasti , quantum sanitatem percepta , tibi Deo vivo et vero gratias agerent : præsta quæsumus : ut hi , qui hoc oleo , quod in tuo nomine bene ☧ dicimus , usi fuerint , ab omni languore , omnique infirmitate , atque cunctis insidiis inimici liberentur , et cunctæ adversitates separent à plasmate tuo quod pretioso Sanguine Filii tui redemisti : ut numquam lœdatur à morsu serpentis antiqui .

Per eumdem Dominum nostrum Jesum-Christum , etc.  
*Aspergat oleum aqua benedicta.*

**BENEDICTIO VINI.**

(Ex Rit. FF. Ord. B. V. M. de Mont. Carm., ).

- V. Adjutorium nostrum in nomine Domini.*
- R. Qui fecit cœlum et terram.*
- V. Domine , exaudi orationem meam.*
- R. Et clamor meus ad te veniat.*
- V. Dominus vobiscum. R. Et cum spiritu tuo.*

**OREMUS.**

Domine Jesu-Christe Fili Dei vivi , qui ad nuptias in Cana Galilææ , aquam , virtutem benedictionis infundendo , in vinum purum convertisti : bene ☧ dic , et sancti ☧ fica vinum istud ; et concede , ut omnes gustantes et sumentes ex eo animæ et corporis sanitatem consequantur . Qui vivis , et regnas in sæcula , etc.

*Aspergat aqua benedicta.*

**ALIA BENEDICTIO VINI.**

(Ex Rituali Tarragonensi ).

- V. Adjutorium nostrum in nomine Domini.*
- R. Qui fecit cœlum et terram.*
- V. Domine , exaudi orationem meam.*
- R. Et clamor meus ad te veniat.*
- V. Dominus vobiscum. R. Et cum spiritu tuo.*

**OREMUS.**

Domine Jesu-Christe , qui ex quinque panibus hor-

deaceis, et ex duobus piscibus quinque millia hominum satiasti; et in Cana Galilææ ex aqua vinum fecisti: tu qui es vitis vera, multiplica super hunc famulum tuum misericordiam pietatis tuæ, quemadmodum fecisti cum patribus nostris in tua misericordia confidentibus tuaque bene **X** dicione, et sancti **X** ficatione sanctificare digneris hanc creaturam vini; ut ubicumque hoc vinum fusum fuerit, vel à quocumque potatum, divino munere benedictionis infunde: et accipienti ex eo, sanctificetur in visceribus ejus, Salvator. Et ego bene **X** dico in honorem sancti N. et sancti N. et aliorum sanctorum, et sanctorum N. quorum reliquiae in præsenti requiescant Ecclesia: In nomine Pa**X**tris, et Filii **X**, et Spiritus **X** Sancti. **R.** Amen.

*Et asperget vinum aqua benedicta.*

#### BENEDICTIO VASORUM VINI, ETC.

(Ex Col. P. Sannig).

- R.** Adjutorium nostrum in nomine Domini.
- R.** Qui fecit cœlum et terram.
- R.** Domine, exaudi orationem meam.
- R.** Et clamor meus ad te veniat.
- R.** Dominus vobiscum.
- R.** Et cum spiritu tuo.

#### OREMUS.

Protector fidelium Deus, et subditorum pectorum habitator; quæsumus, ut serenis oculis tuæ pietatis hac vasa ita bene **X** dicere digneris, ut supra ea descendat gratiæ tuae larga benedictio, ut utentibus, per

gratiæ tuam, mereantur effici munda, et salubria. Per Dominum nostrum, etc. **R.** Amen.

*Aspergat aqua benedicta.*

#### BENEDICTIO CELLÆ VINARIÆ.

(Ex Col. P. Sannig).

- R.** Adjutorium nostrum in nomine Domini.
- R.** Qui fecit cœlum et terram.
- R.** Domine, exaudi orationem meam.
- R.** Et clamor meus ad te veniat.
- R.** Dominus vobiscum.
- R.** Et cum spiritu tuo.

#### OREMUS.

Domine sancte, Pater omnipotens, æterne Deus, bonorum omnium dator et conservator, qui inter reliquas creaturetas tuas, vinum in hominum sustentationem, et lætiam, ex fructu uavarum prodire jussisti; quique per Unigenitum Filium tuum Dominum nostrum Iesum-Christum in Nuptiis in Cana Galilææ aquam in vinum mirabiliter permutasti, et Sacramentum pretiosissimi Sanguinis ejusdem Filii tui in vini materia sanctificari jussisti: te supplices deprecamur, ac petimus, ut hanc creaturam vini bene **X** dicere, et sancti **X** ficare digneris, ut omnes ex eo gustantes animæ et corporis recipient sanitatem, et te omnium gratiarum largitorem sine fine collaudent. Per eundem Dominum nostrum, etc. **R.** Amen.

*Aspergatur aqua benedicta.*